



PAVSANIAE VETERIS GRAECIAE DESCRIPTIO.

Romulus Amaltheus venit.

Accessit verum in hisce libris memorabilia non leuiterissimas index.

L. Torrentinus Ducalis Typographus excudebat.
FLORENTIAE. MDLI.

3
ROMVLVS

AMASAEVS ALE

XANDRO FARNESIO

CARDINALI PAVLI III.

PONT. MAX. NEPOTI

S. P. D.



VM Sape animaduenterim, Alexander Farnesi, solere te ab assiduis curis, atque occupationibus quasi respirantem, vel in literatorum hominum sermone, & consuetudine, vel in optimorum scriptorum lectione conquiescere, de variis, ac multis lucubrationibus meis, latinè iam, ni fallor, mea opera loquentem Pausaniam, tibi, cui iam pridem, non magis fortunæ amplitudine, quam virtutis tuæ adductus excellentia, me ipsum addixi, nominatim dedendum censeo: non quia Græcorum auctorum à puero lectione assuefactus, Græca illum utentem lingua non fueris planissimè intellecturus, sed quod omnino Romani Principis auribus Latinæ orationis sonum aptiorem, & grauiorem fore exultimaui. Atque is quidem veterem Græciam in libros decem descriptam oculis penè subiiciens, parem propè tibi voluptatem poterit apportare, ac ipsa solita est ad externos Europæ populos suscepta iam toties peregrinatio: Cum peradolescens, magna cum tua laude, Hispaniam, Galliam, Germaniam, de maximis Reip. negociis legatus obiisti. Atque eo tibi erit fortasse lectio huius historiæ iucundior, quòd quæ semel placuerint loca, non ut illa cursim, & festinanter, sed inter que scendum, quoties libitum fuerit, licebit reuiscere. Neque verò te magis (credo) eas regiones animo lustrantem, in

A

P A V S A N I A E
V E T E R I S G R A E C I A E
D E S C R I P T I O .

Romulus Amasæus uertit.

A T T I C A .



5 N ea continentis Græciæ parte, quæ Cy-
10 cladas Insulas, & Aegæum mare spectat, Su-
nium prominet Atticæ promontorium, in
cuius ora portus, in vertice Suniadis Miner-
uæ templum est: Hinc porrò nauigantibus
breuis ad Laurium via: vbi olim argëti me-
talla Atheniensibus fuere. Proximè iacet
parua, ac deserta Insula (Patrocli dicitur)
quòd Patroclus præfectus Aegyptiarum
15 triremiũ, quas Ptolemæus Lagi filius Athe-
nienſibus auxilio miſit, clam occupatam,
muro eam & vallo muniit: Cum Antigo-
nus Demetrii filius ipſe cum exercitu agrum popularetur: Et maritimam par-
tem claſſe obſeſſam teneret. Piræeus verò, antequam Themistocles ad remp.
20 accederet, non nauale, ſed curia fuit: Nam Phalerum (ab ea enim parte, vt mi-
nimum vrbs diſtat à mari) nauale fuerat. Vnde & Meneſtheum cum aliquot
nauibus ad Troiam, & Theſeum multo ante, in Cretam, Minoi ob Androgei
mortem pœnas daturum, ſoluiſſe, memoriæ proditum eſt. At Themistocles,
poſteaquam ſummæ rerum præfuit, quòd multo opportuniore loco nauis
25 Piræa litum putaret, cum pro unico Phaleri, triplex eius portus eſſet, in eo na-
uale exædificauit. Et nauium quidem ſtationes ad meam vſque ætatem ſtete-
re. Et non longè à maximo, de tribus, portu, Themistoclis ſepulchrum: Si qui-
dem Athenienſes, ſui aliquando facti in Themistoclen pœnituiſſe tradunt,
atque eius oſſa ex Magnelia recepta, ab ipſius neceſſariis in patriam reporta-
30 ta. Themistoclis ſane liberos conſtat reduces in Parthenone tabulam eam-
dedicaſſe, in qua etiam ipſe ineſt pictus Themistocles. In Piræo verò quæ ſpe-
ctentur, hæc ſunt, Iouis, & Mineruæ fanum: Aenea ſunt deorum ſigna. Iupi-
ter ſceptrum, & victoriã: Minerua haſtam tenet. Eodem in loco Leosthenen,
eiusque liberos pinxit Arceſilaus. Hic ille eſt Leosthenes, qui Athenienſium
atque aliorum Græcorũ dux, Macedonas duobus præliis vicit: Vno in Bœo-